

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK**

PRIJEDLOG

**ODLUKA
O KREDITNOM ZADUŽENJU GRADA SREBRENİK**

OBRAĐIVAČ : Služba za finansije i inspekcijski nadzor

PREDLAGAČ : Gradonačelnik

RAZMATRA I USVAJA : Gradsko vijeće

Srebrenik, mart 2026. godine

Na osnovu člana 12., 19. i 30. Zakona o dugu, zaduživanju i garancijama u Federaciji Bosne i Hercegovine ("Sl. novine FBiH", br. 45/2025), člana 67. i 71. Zakona o budžetima u Federaciji Bosne i Hercegovine ("Sl. novine FBiH", br. 102/2013, 9/2014 - ispr., 13/2014, 8/2015, 91/2015, 102/2015, 104/2016, 5/2018, 11/2019, 99/2019, 25a/2022 i 7/2025), člana 25. tačka 6. i člana 26. stav 3. Statuta Grada Srebrenika („Sl. glasnik Grada Srebrenik br. 1/2024) te člana 28 Odluke o izvršavanju budžeta Grada Srebrenik za 2025 („Sl. glasnik Grada Srebrenik br. 4/2025), Gradsko vijeće Grada Srebrenika, na sjednici održanoj dana __. __. 2026. godine donosi:

ODLUKU O KREDITNOM ZADUŽENJU GRADA SREBRENIK

Član 1.

Odobrava se kreditno zaduženje Grada Srebrenik u ukupnom iznosu glavnice do 1.000.000,00 KM, radi finansiranja Podprojekta na području Grada Srebrenik u okviru Projekta "Modernizacija vodnih i sanitarnih usluga u BiH", finansiranog Međunarodnom bankom za obnovu i razvoj (IBRD - Svjetska banka), na osnovu Sporazuma o zajmu broj 93020 BA od 27. juna 2022. godine zaključenog između Bosne i Hercegovine i Međunarodne banke za obnovu i razvoj.

Član 2.

Kreditno zaduženje se odobrava pod sljedećim uslovima: iznos glavnice do 1.000.000,00 KM; rok otplate do 32 godine sa grejs periodom do 7 godina; kamatna stopa: EURIBOR + fiksna marža; otplata u jednakim polugodišnjim ratama; jednokratna provizija 0,25% i provizija na nepovućeni iznos 0,25% godišnje;

Član 3.

Sredstva kredita koriste se isključivo za plaćanja dobavljačima, izvođačima i projektnim timovima, po Projektu izgradnje rezervoara za snabdijevanje vodom naselja Srebrenik 1, kapaciteta 2x2.500 m³, FAZA 2.

Član 4.

Sredstva za otplatu glavnice, kamata i svih troškova osiguravaju se iz Budžeta Grada Srebrenik, u skladu sa Zakonom o budžetima. Ukupan godišnji servis duga mora biti u granicama ograničenja zaduženosti propisanih zakonom.

Član 5.

Grad Srebrenik dostavlja instrumente osiguranja (vlastite bjanko mjenice sa mjeničnom izjavom i druge instrumente), te daje saglasnost za naplatu iz dijela prihoda od indirektnih poreza, u slučaju kašnjenja sa izmirenjem dospjelih obaveza.

Član 6.

Ovlašćuje se Gradonačelnik Grada Srebrenika da potpiše ugovor o kreditu i svu prateću dokumentaciju sa Federalnim ministarstvom financija, nakon pribavljanja njegove prethodne pisane saglasnosti, prema Pravilniku o davanju prethodne saglasnosti za zaduživanje.

Član 7.

Služba za finansije i inspekcijski nadzor Grada Srebrenika evidentira zaduženje i izvještava Gradsko vijeće o stanju duga u skladu sa zakonom.

Član 8.

Ova odluka stupa na snagu danom donošenja, a biti će objavljena u "Službenom glasniku Grada Srebrenik".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
GRADSKO VIJEĆE**

**PREDSJEDAVAJUĆI
GRADSKOG VIJEĆA**

Nisvet Sejdinović

**Broj: 01-_____/26
Srebrenik, _____ godine.**

OBRAZLOŽENJE

Prijedloga Odluke o zaduženju Grada Srebrenika u okviru implementacije Projekta modernizacije vodnih i sanitarnih usluga u Bosni i Hercegovini (Svjetska banka).

I. PRAVNI I INSTITUCIONALNI OSNOV ZA DONOŠENJE ODLUKE

Pravni osnov za donošenje Odluka o kreditnom zaduženju Grada Srebrenika sadržan je u člana 12., 19. i 30. Zakona o dugu, zaduživanju i garancijama u Federaciji Bosne i Hercegovine ("Sl. novine FBiH", br. 45/2025), člana 67. i 71. Zakona o budžetima u Federaciji Bosne i Hercegovine ("Sl. novine FBiH", br. 102/2013, 9/2014 - ispr., 13/2014, 8/2015, 91/2015, 102/2015, 104/2016, 5/2018, 11/2019, 99/2019, 25a/2022 i 7/2025), člana 25. tačka 6. i člana 26. stav 3. Statuta Grada Srebrenika („Sl. glasnik Grada Srebrenik br. 1/2024) te člana 28 Odluke o izvršavanju budžeta Grada Srebrenik za 2025 („Sl. glasnik Grada Srebrenik br. 4/2025) kao i na međunarodnim sporazumima zaključenim između Bosne i Hercegovine i Međunarodne banke za obnovu i razvoj (IBRD), odnosno Svjetske banke.

Sporazum o zajmu za Projekat modernizacije vodnih i sanitarnih usluga (Zajam br. 93020-BA), kao i Sporazum o grantu za navedeni Projekat (BiH WSSM Grant br. TF0B8622), ratificirani su Odlukama Predsjedništva Bosne i Hercegovine, objavljenim u „Službenom listu BiH – Međunarodni ugovori“, broj 05/2023 od 12.04.2023. godine. Parlament Federacije Bosne i Hercegovine usvojio je Odluku o prihvatanju zaduženja po navedenom Sporazumu o zajmu, i to na sjednici Predstavničkog doma održanoj 06.06.2022. godine i sjednici Doma naroda održanoj 05.10.2023. godine, što je objavljeno u „Službenim novinama Federacije BiH“, broj 83/23.

Zaključkom Vlade Federacije Bosne i Hercegovine broj 2039/2023 od 29.12.2023. godine formirana je Jedinica za implementaciju projekta (PIU) pri Federalnom ministarstvu poljoprivrede, vodoprivrede i šumarstva, čime su ispunjeni institucionalni i proceduralni uslovi za početak implementacije Projekta na području Federacije BiH.

U skladu sa navedenim, krajnji dužnici po ovom kreditnom zaduženju su jedinice lokalne samouprave koje budu uključene u Projekat, a odluku o zaduženju, u skladu sa zakonom, donosi predstavničko tijelo jedinice lokalne samouprave.

II. RAZLOZI DONOŠENJA

Projekat modernizacije vodnih i sanitarnih usluga u Bosni i Hercegovini ima za cilj jačanje institucionalnog, finansijskog i pravnog okvira, te kapaciteta u sektoru voda i komunalnih djelatnosti, s namjerom osiguranja dugoročne održivosti investicija u vodnu i komunalnu infrastrukturu.

Projekt direktno doprinosi povećanju efikasnosti rada javnih komunalnih preduzeća, unapređenju kvaliteta i pouzdanosti usluga vodosnabdijevanja i odvodnje otpadnih voda, smanjenju gubitaka u mreži, te jačanju otpornosti sistema na klimatske promjene i ekstremne hidrološke uslove. Istovremeno, projekt je u potpunosti usklađen sa Okvirom partnerstva sa Bosnom i Hercegovinom (CPF), strateškim dokumentima u oblasti upravljanja vodama i okoliša, te reformskim procesima usmjerenim ka približavanju standardima Evropske unije.

III. STRUKTURA PROJEKTA – TRI KOMPONENTE

Projekat se sastoji od tri međusobno povezane i komplementarne komponente:

Komponenta 1 – Modernizacija regulatornog i institucionalnog okruženja, koja podrazumijeva unapređenje regulatornog okvira, tarifnih politika, nadzornih mehanizama i institucionalnih kapaciteta u sektoru voda.

Komponenta 2 – Jačanje općinskog okvira pružanja usluga vodosnabdijevanja i odvodnje, kroz tehničku pomoć, jačanje upravljačkih i operativnih kapaciteta jedinica lokalne samouprave i javnih komunalnih preduzeća.

Komponenta 3 – Općinski investicioni projekti, koja omogućava realizaciju zrelih infrastrukturnih projekata iz oblasti vodosnabdijevanja i odvodnje putem kreditnog zaduženja, uključujući izgradnju i rekonstrukciju vodovodnih i kanalizacionih sistema, rezervoara, te objekata za prečišćavanje vode.

IV. UČEŠĆE GRADA SREBRENIKA U PROJEKTU

Grad Srebrenik je, u okviru poziva za iskaz interesa, aplicirao sa više infrastrukturnih projekata iz oblasti vodosnabdijevanja. Nakon provedene tehničke, institucionalne i finansijske evaluacije od strane nadležnih institucija i Svjetske banke, za finansiranje je odabrana druga – završna faza izgradnje rezervoara Otava 2 kapaciteta 2.500 m³.

Prva faza izgradnje ovog objekta je u toku i njen završetak se očekuje do kraja tekuće godine. Uključivanjem završne faze u Projekat Svjetske banke stiču se uslovi da se rezervoar Otava 2 u potpunosti završi i stavi u funkciju tokom 2026. godine.

V. ZNAČAJ REZERVOARA OTAVA 2 ZA SISTEM VODOSNABDIJEVANJA

Rezervoar Otava 2 predstavlja strateški infrastrukturni objekat za Grad Srebrenik. Njegovim završetkom obezbijedit će se povećanje akumulacionih kapaciteta, stabilnije snabdijevanje pitkom vodom, smanjenje rizika od redukcija u periodima povećane potrošnje, ravnomjernija distribucija pritiska u mreži, te dugoročna sigurnost i otpornost sistema vodosnabdijevanja.

Ovaj objekat ima direktan i dugoročan uticaj na kvalitet života građana, funkcionisanje javnih ustanova, privredni razvoj i ukupnu komunalnu sigurnost Grada Srebrenika.

VI. FINANSIJSKI USLOVI ZADUŽENJA

Kreditna sredstva obezbijedena su pod izuzetno povoljnim uslovima:

- rok otplate: do 32 godine,
- grejs period: do 7 godina,
- mogućnost finansiranja: do 100% vrijednosti investicije,
- trajanje projekta: 7 godina.

Ovakvi uslovi omogućavaju dugoročno i fiskalno održivo planiranje budžetskih obaveza Grada, bez značajnog opterećenja u početnim godinama otplate.

VII. POVEZANOST KOMPONENTE 3 SA IMPLEMENTACIJOM OSTALIH KOMPONENTI

Važno je istaći da nastavak uspješne saradnje sa Svjetskom bankom kroz implementaciju Komponente 3 predstavlja osnovu za daljnje uključivanje Grada Srebrenika u Komponentu 1 i Komponentu 2 Projekta.

Ukoliko se saradnja nastavi u skladu sa planiranim ciljevima i standardima, Svjetska banka će, u narednim fazama, implementirati i preostale dvije komponente Projekta na području Grada Srebrenika, čime će se osigurati cjelovit pristup modernizaciji vodnih usluga – od infrastrukture, preko institucionalnog jačanja, do dugoročnog planiranja i upravljanja vodnim resursima.

VIII. KOMPONENTA TEHNIČKE POMOĆI – GRANT FINANSIRANJE

U okviru Komponente tehničke pomoći, koja se implementira putem grant sredstava, a ne putem zaduženja, Grad Srebrenik je kandidirao projekte od strateškog značaja za dugoročno upravljanje vodnim resursima.

Kroz ovu komponentu zatražena je izrada:

- projektno-tehničke dokumentacije za provođenje hidrogeoloških (HG) istraživanja na području cijelog Grada Srebrenika, radi utvrđivanja raspoloživih vodnih potencijala i dugoročnog planiranja sistema vodosnabdijevanja;
- projektno-tehničke dokumentacije za izgradnju hidroakumulacije „Bistrička rijeka“, kao strateškog vodnog objekta koji predstavlja dugoročno rješenje za osiguranje dodatnih količina vode i otpornosti sistema na klimatske promjene.

Naglašava se da realizacija ovih aktivnosti ne podrazumijeva dodatno finansijsko zaduženje Grada, već donosi značajnu razvojnu korist kroz bespovratna sredstva.

IX. IMPLEMENTACIJA I INSTITUCIONALNI KAPACITETI

Grad Srebrenik će, u skladu sa pravilima Projekta, formirati Tim za implementaciju potprojekta (PIT), koji će u saradnji sa Federalnom PIU jedinicom i nadležnim institucijama osigurati zakonitu, transparentnu i efikasnu realizaciju svih projektnih aktivnosti.